



RESOLUSI

MAWQIF

MESYUARAT MAWQIF BIL. 01

4 APRIL 2026



HUBUNGI KAMI:

Admin Sistem

Info@multaqaalmaarif.com

RESOLUSI

MAWQIF

MESYUARAT MAWQIF BIL. 01

4 APRIL 2026

BARISAN FELO SISTEM

MULTAQA AL-MA'ARIF POINT

BUTIRAN

MESYUARAT MAWQIF BIL. 01

Hari : Sabtu

Tarikh : 4 April 2026

Waktu : 21:30 – 23:02

Platform : Dalam talian, Streamyard

ISI KANDUNGAN

Isi Kandungan	3
Kata Alu-Aluan Ketua Eksekutif Felo	5
Petunjuk Mawqif:	7
Agenda 1:	
ISU MEMIJAK MUSHAF AL-QURAN AL-KARIM	8
Agenda 2:	
PENDIRIAN UMAT ISLAM: IRAN VS ISRAEL/AMERIKA SYARIKAT	10
Agenda 3:	
KENYATAAN MEMASTIKAN (JAZM) SESEORANG MATI SYAHID	14
Agenda 4:	
HUKUM PELAKSANAAN SOLAT JUMAAT PADA HARI RAYA	17
Agenda 5:	
KAEDAH PENETAPAN BULAN HIJRI BAHARU	19
Agenda 6:	
MENGGABUNGKAN PUASA 6 SYAWAL DENGAN PUASA QADA'	20
Agenda 7:	
HUKUM BERMAIN MERCUN (KONTEKS: UMUM/HARI RAYA)	22
Agenda 8:	
SOALAN: ZAKAT FITRAH TAK SAH JIKA MAKAN BASMATHI	26
Agenda 9:	
HUKUM BAYAR ZAKAT BUAT PIHAK BUKAN TANGGUNGAN	27
Agenda 10:	
DERMA DARAH KETIKA BERPUASA, BATAL ATAU TIDAK	28
Agenda 11:	
STATUS HADITH TANDA-TANDA LAYLATUL QADAR	30
Agenda 12:	
ALTERNATIF HADITH DA'IF FADILAT BERSEDEKAH	31

Agenda 13:

DALIL SUAMI WAJIB MEMBERI PAKAIAN BAHARU SETIAP 6 BULAN 32

Agenda 14:

MUSAFIR NIAT JAMA' TA'KHIR & TIBA DI LOKASI LEBIH AWAL 34

Rujukan 35

KATA ALU-ALUAN KETUA EKSEKUTIF FELO SISTEM

Ketua Eksekutif Felo

BARISAN FELO SISTEM MULTAQA AL-MA'ARIF



**AL-USTAZ ABU MUSLIM
SYIMIR ASYRAAF BIN EDDIE HALIM**
FELO UTAMA
FELO KANAN (HADITH/AKIDAH)
CALON PHD HADITH, UNIVERSITI SAINS MALAYSIA

Segala puji bagi Allah 'azza wa Jalla, Pencipta sekalian Alam. Selawat dan salam ke atas junjungan Besar Nabi Muhammad ﷺ, ahli keluarga Baginda ﷺ, para Sahabat dan orang yang mengikuti jejak langkah mereka dengan baik.

Dengan penuh rasa syukur ke hadrat Ilahi, saya merakamkan penghargaan atas penerbitan Resolusi Mawqif Mesyuarat Mawqif Bil. 01, yang menjadi manifestasi kesungguhan dalam meneliti, membahaskan dan merumuskan pendirian terhadap isu-isu semasa berteraskan disiplin ilmu yang sahih dan pendekatan yang berautoriti.

Resolusi ini bukan sekadar catatan perbincangan, bahkan merupakan natijah daripada proses ijtihad jama'i yang mempertimbangkan dalil-dalil syarak, realiti semasa serta maqasid yang seimbang. Ia diharapkan dapat menjadi panduan yang jelas kepada masyarakat serta rujukan yang diyakini dalam menghadapi pelbagai persoalan yang timbul.

Saya juga ingin merakamkan setinggi-tinggi penghargaan kepada seluruh ahli jawatankuasa, para penyelidik, serta semua pihak yang telah menyumbang idea, tenaga dan kepakaran dalam menjayakan mesyuarat ini. Komitmen dan kesungguhan yang ditunjukkan mencerminkan amanah besar dalam memelihara ketepatan ilmu dan kejelasan pendirian.

Akhir kata, semoga resolusi yang dihasilkan ini diberkati oleh Allah ‘azza wa Jalla, diterima sebagai amal soleh, serta memberi manfaat yang luas kepada umat. Mudah-mudahan segala usaha ini menjadi sebahagian daripada sumbangan kecil dalam memperkukuhkan kefahaman agama dan membimbing masyarakat ke arah kebenaran.

Sekian, Jazākumullāh Khayrā.


SYIMIR ASYRAAF BIN EDDIE HALIM

PETUNJUK MAWQIF

MM : Mesyuarat Mawqif

01 : Bil. 01

01 : Mawqif ke-01

04 : Tarikh MM

04 : Bulan MM

26 : Tahun MM

KEPUTUSAN:

Barisan Felo memutuskan bahawa isu ini termasuk dalam perkara yang diperselisihkan oleh ahli ilmu. Barisan Felo berpendapat bahawa puasa enam hari Syawal hendaklah dilaksanakan secara berasingan daripada puasa ganti Ramadan. Tempoh untuk mengganti puasa Ramadan adalah sehingga Syaaban tahun berikutnya. Namun, adalah lebih afdal bagi seseorang untuk mengganti puasa Ramadan terlebih dahulu jika mampu sebelum menunaikan puasa enam hari Syawal.

Nombor Siri Mawqif:

MM/01/5 (04/04/26)

Penjelasan:Dalil Isu

Baginda ﷺ bersabda dalam hadith yang sahih:

مَنْ صَامَ رَمَضَانَ ثُمَّ أَتْبَعَهُ سِتًّا مِنْ شَوَّالٍ كَانَ كَصِيَامِ الدَّهْرِ

Maksud: “Barangsiapa berpuasa Ramadan kemudian mengikutinya dengan enam hari daripada Syawal, maka ia seperti berpuasa sepanjang tahun.”

(HR. Muslim dalam *al-Sahīh* no. 1164)

Hukum Menggabungkan Puasa Syawal dengan Puasa Qada' Ramadan

Barisan Felo memutuskan bahawa kedua-dua puasa ini tidak dapat digabungkan niatnya. Antara sebabnya adalah seperti berikut:

- a. Puasa Syawal mengiringi puasa Ramadan

Ahli ilmu telah merangka sebuah kaedah fiqh yang berkaitan dengan hal ini:

إذا كانت العبادة تبعاً لعبادة أخرى فإنه لا تداخل بينهما

Maksud: “Apabila ibadah tersebut mengiringi dengan ibadah lainnya, maka ia tidak dapat digabungkan di antara keduanya.”

Hal ini juga mirip dengan solat Jumaat dan solat rawatib setelahnya. Seseorang tersebut tidak dinilai telah melaksanakan solat rawatib solat Jumaat dengan melaksanakan solat Jumaat semata-mata. Hal ini kerana solat rawatib Jumaat tersebut adalah *tābi*‘ (mengiringi) solat Jumaat itu sendiri.

b. Puasa Syawal adalah ibadah yang tujuannya berdiri sendiri

Kedua-dua puasa qada’ Ramadan dan Puasa Enam Syawal merupakan ibadah yang berdiri secara berasingan dari sudut tujuan dan pensyariatannya. Sehubungan itu, sekiranya kedua-duanya digabungkan dalam satu niat, maka tidak diperoleh keutamaan ganjaran seumpama berpuasa sepanjang tahun.

Hukum Mendahulukan Pelaksanaan Puasa Enam Syawal daripada Puasa Qada’ Ramadan

Afdalnya, hendaklah seseorang itu melaksanakan puasa qada’ Ramadan terlebih dahulu sebelum berpuasa Syawal. Sekiranya tidak mampu atau ingin mendahulukan puasa Syawal, maka tempoh bagi melaksanakan qada’ Ramadan masih panjang sehingga bulan Syaaban pada tahun berikutnya. Hal ini sebagaimana yang diriwayatkan dalam kalam Aisyah:

كَانَ يَكُونُ عَلَيَّ الصَّوْمُ مِنْ رَمَضَانَ. فَمَا أَسْتَطِيعُ أَنْ أَقْضِيَهُ إِلَّا فِي شَعْبَانَ. الشُّغْلُ مِنْ رَسُولِ اللَّهِ صَلَّى اللَّهُ عَلَيْهِ وَسَلَّمَ. أَوْ بِرَسُولِ اللَّهِ صَلَّى اللَّهُ عَلَيْهِ وَسَلَّمَ

Maksud: “Adalah aku mempunyai hutang puasa daripada Ramadan, namun aku tidak mampu untuk mengqada’nya melainkan pada bulan Syaaban. (Hal itu kerana) aku sibuk dengan urusan bersama Rasulullah ﷺ.”

(HR. Muslim dalam *al-Ṣaḥīḥ* no. 1146)

Cadangan:

Barisan Felo menyarankan kepada umat Islam agar melaksanakan puasa enam hari Syawal secara berasingan sebagai langkah keluar daripada khilaf.

Adapun dari sudut susunan pelaksanaan, iaitu antara puasa qada’ Ramadan dan puasa enam Syawal, maka yang lebih utama (afdal) ialah mendahulukan penyelesaian puasa qada’ terlebih dahulu sebelum melaksanakan puasa enam Syawal.

